

SULIT

NO. SOALAN: 77

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

**DARIPADA : DATO' JOHARI BIN ABDUL
[SUNGAI PETANI]**

TARIKH : 27 JULAI 2017 (KHAMIS)

RUJUKAN : 9980

SOALAN :

Dato' Johari Bin Abdul [Sungai Petani] minta MENTERI DALAM NEGERI menyatakan apakah usaha-usaha setakat ini dalam mendokumentasikan rakyat Malaysia dari kaum India yang walaupun lahir di Malaysia tetapi masih tidak punyai dokumentasi pengenalan diri dan ini telah meletakkan mereka dalam kesusahan untuk melanjutkan pelajaran dan mencari pekerjaan.

SULIT

SULIT

JAWAPAN:

Tuan Yang di-Pertua,

Kementerian melalui Jabatan Pendaftaran Negara (JPN) telah mengambil langkah proaktif dalam memastikan pendaftaran dokumen pengenalan diri dapat dilaksanakan dengan mudah oleh semua kaum dan lapisan masyarakat khususnya kepada penduduk di kawasan pedalaman, warga emas atau golongan yang berkeperluan khas seperti orang kelainan upaya (OKU) dan sebagainya seperti mana berikut:

- 1. Perkhidmatan melalui Program Turun Padang (Program *Outreach*);**
- 2. Perkhidmatan melalui Unit *Mobile*;**
- 3. Perkhidmatan melalui Bas *Mobile*; dan**
- 4. Pembukaan kaunter-kaunter di Ibu Pejabat JPN, JPN Negeri, Cawangan Pusat Transformasi Bandar (UTC) dan Pusat Transformasi Luar Bandar (RTC).**

Selain daripada inisiatif-inisiatif yang berterusan ini, JPN juga turut melaksanakan Program MyDaftar hasil kerjasama dengan *Special Indian Task Force (SITF)*, Jabatan Perdana Menteri. Program ini pertama kalinya diadakan pada 19 hingga 26 Februari 2011 dan dikhususkan bagi membantu isu dokumentasi masyarakat India yang berkelayakan. Sebanyak 9,529 permohonan telah diterima sepanjang Program tersebut.

SULIT

SULIT

Seterusnya, pada 18 Februari sehingga 2 Mac 2013, Program ini telah diadakan sekali lagi dengan golongan sasar diperluaskan kepada seluruh lapisan masyarakat. Hasilnya, sebanyak 7,622 permohonan telah diterima. Terkini, JPN telah bekerjasama dengan *Majlis Malaysian Indian Blue Print* (MMIB) bagi melaksanakan Program MyDaftar bermula 5 hingga 22 Jun 2017 yang lepas dan ia telah dihadiri seramai 2,400 orang.

Kementerian ini ingin mengingatkan bahawa mana-mana individu yang dilahirkan di Malaysia mestilah mendaftarkan kelahiran di JPN. Justeru, inisiatif yang telah dilaksanakan oleh JPN mestilah disokong sepenuhnya oleh masyarakat serta diuar-uarkan oleh Ahli Yang Berhormat bagi memastikan isu dokumentasi dalam kalangan masyarakat dapat diselesaikan.